




目次

二三四七	戒律傳來記(三卷)	日本豐安撰	一
二三四八	律宗綱要(二卷)	日本凝然述	五
二三四九	東大寺授戒方軌(一卷)	日本法進撰	一一
二三五〇	東大寺戒壇院受戒式(一卷)	日本實範撰	二六
二三五一	唐招提寺戒壇別受戒式(一卷)	日本惠光撰	三二
二三五二	菩薩戒本宗要雜文集(一卷)	日本覺盛撰	四〇
二三五三	菩薩戒通受遺疑鈔(一卷)	日本覺盛撰	四八
二三五四	菩薩戒通別二受鈔(一卷)	日本覺盛撰	五三
二三五五	通受比丘懺悔兩寺不同記(一卷)	日本凝然述	五八
二三五六	菩薩戒本宗要輔行文集(二卷)	日本叡尊撰	六三
二三五七	應理宗戒圖釋文鈔(一卷)	日本叡尊撰	八一
二三五八 ^A	菩薩戒問答洞義抄(一卷)	日本英心述	八七
^B	菩薩戒綱要鈔(一卷)		九八

W-195/04

二三五九	律宗行事目心鈔(三卷).....	日本忍仙撰.....	一〇七
二三六〇	大乘圓戒顯正論(一卷).....	日本宗覺編.....	一三〇
二三六一	願文(一卷).....	日本最澄撰.....	一三五
二三六二	守護國界章(九卷).....	日本最澄撰.....	一三五
二三六三	法華長講會式(二卷).....	日本最澄撰.....	二四七
二三六四	長講金光明經會式(一卷).....	日本最澄撰.....	二五六
二三六五	長講仁王般若經會式(一卷).....	日本最澄撰.....	二五九
二三六六	天台法華宗義集(一卷).....	日本義真撰.....	二六三
二三六七	授決集(二卷).....	日本圓珍述.....	二八一
二三六八	諸家教相同異集(一卷).....	日本圓珍撰.....	三一〇
二三六九	定宗論(一卷).....	日本蓮剛述.....	三二三
二三七〇	一乘要決(三卷).....	日本源信撰.....	三二七
二三七一	漢光類聚(四卷).....	日本忠尋記.....	三七三
二三七二	天台真言二宗同異章(一卷).....	日本證真撰.....	四一七
二三七三	圓密宗二教名目(一卷).....	日本惠鎮撰.....	四二三
二三七四	宗要柏原案立(六卷).....	日本貞舜撰.....	四四〇
二三七五	天台圓宗四教五時西谷名目(二卷).....		五六五

二三七六	顯戒論(三卷)·····	日本	最澄	撰·····	五八九
二三七七	山家學生式(一卷)·····	日本	最澄	撰·····	六二三
二三七八	授菩薩戒儀(一卷)·····	日本	最澄	撰註·····	六二五
二三七九	傳述一心戒文(三卷)·····	日本	光定	撰·····	六三四
二三八〇	顯揚大戒論(八卷)·····	日本	圓仁	撰·····	六六一
二三八一	普通授菩薩戒廣釋(三卷)·····	日本	安然	撰·····	七五七
二三八二	新學菩薩行要抄(一卷)·····	日本	仁空	撰·····	七七九
二三八三	菩薩圓頓授戒灌頂記(一卷)·····	日本	維賢	撰·····	七八七
二三八四	圓戒指掌(三卷)·····	日本	敬光	撰·····	七九八

目

次

戒律傳來記上卷 并序

沙門小僧都傳燈大法師位豐安奉勸撰

原夫。真理無言。因言明。無說之說。法身無相。假相識無形之形。是以栖遑大千。演無問之雅說。幽來塵劫。現有體之妙相。自調御應機。法雄利見。五衍之軌。連軫俱興。十二之教。分鑄并存焉。雖復部帙區分。數滿八萬。而至拔苦與樂。理歸一揆。唯此戒律者。證涅槃之要衢。赴菩提之基本也。譬猶浮海絕流。憑機棹而利涉。尋冥向遠。待輪而得臻。然則尸羅也。渡苦海之輕舟。毘尼也。到彼岸之絕乘。是知鎮國護家是戒爲首。種因招果是律居先。寔乃如來之密藏。諸聖之胎孕矣。戒堅持不墜。萬善隨生。戒違犯無防。百行卽叛。故律云。毘尼住世。正法久住。毘尼不住。正法隨滅。因斯言之。法之住滅。既在戒律。又云。此教唯被大僧。非沙彌聞。唯聽王覽而禁。凡聞。竊見斯文。玄覽之閑。實足一思者也。伏惟陛下。自天誕德。應寶錄以君臨。出震登期。轉金輪以馭寓。遊神襟於禪寂。分教思於釋流。巖廊之邊。時有經行之地。御窓之下。自作知意之山。遂使反慧。日於向昏。挑炬法於將滅。萬民因。其蒙祐。四生以之作娛。爰詔八宗之學者。俾上每門之義旨。蓋以。萬機之餘披覽易尋。千歲之後。薰恩不朽也。豐安昔從

師資業。早入招提寺。心欽草繫。身介木叉。老而念之。但耄及矣。謬奉明詔。敢事撰集。伏恐謝僧象。才非荀鶴。用盡酌海。還溺其波瀾。戴兌談。天不辨其雲霧。略記世尊滅後。師承傳之元由。凡聖出世。流布漢倭之年紀。以居篇首。勒成三卷。名曰戒律傳來宗旨問答。云爾。戒法傳來。四門分別。一佛傳西域。二凡聖流漢。三三傳倭。四唐傳日本。

初言佛傳西域者。問。佛在世時。始此律教授。誰弟子。答。授優婆離一人。次後次第相承。又古來云。迦葉。阿難。商那和須。末田知。優婆離多。此五人滅後百年內。次第相傳。雖爾而今詳五師。但爲衆主。非誦律藏之人。問。爾誰誦律藏。答。依善見論者。有五。人。次第誦律藏。問。其五人者何。答。優婆離。次寫拘。蘇那拘。悉伽符。目犍連子帝須。此五人次第聞淨利地。持律不墮。優婆離從金口聞。馱寫拘從。優婆離聞。蘇那拘從。馱寫拘聞。悉伽符從。蘇那拘聞。目犍連子從。悉伽符聞。又從此已後。付摩訶陀。此卽阿育王之子也。摩訶陀付阿栗吒。阿栗吒付帝須達多。次伽羅須末那。次地伽那。次須末那。次伽羅須那。次曇無德。次帝須。次提婆。次須末那。次專那伽。次曇無德。次企摩。次優婆離。次法蓮。次阿婆耶。次提婆。次私婆。合二十四人。如此諸律師皆阿羅漢。師師相承。至今不絕。又僧祇律云。佛授優婆離。優婆離授婆娑羅。婆娑羅授樹提陀娑。乃至最

後尊者道力。彼律合有二十七人。如是賢人次第相傳不絕。問。佛滅後經幾年。此教分耶。答。依大集經言。滅後百餘年後。律教分五部。一曇無德部。二薩婆多部。三彌沙塞部。四迦葉遺部。五婆蘇富羅部。又依舍利弗問經。文殊問經。三千威儀經。遺教經。宗輪論等。佛滅後百年後。四衆共議。依大天五事不同。分爲兩部。一大衆部。二上座部。其四衆。謂一龍象衆。二邊鄙衆。三多聞衆。四四大德衆。次後此二百年。大衆部中出三部。一說部。二說出世部。三鷄胤部。次後此二百年。大衆部中復出一部。名多聞部。次後此二百年。更出一部。名說假部。次後此二百年滿時。分出三部。一制多山部。二西山住部。三北山住部。并本爲九部。次後此三百年。分爲二部。一說一切有部。亦名說因部。二卽本上座部。亦轉名雪山部。次後此三百年。從說一切有部出一部。亦名犢子部。次後此三百年。從犢子部出一部。一法上部。二賢胃部。三正量部。四密林山部。次後此三百年。從說一切有部。亦出一部。亦名化地部。次後此三百年。從化地部出一部。名法藏部。至三百年末。從說一切有部出一部。名飲光部。亦名善哉部。至第四百年初。從一切有部亦出一部。名經量部。亦名說轉部。并本爲十一部。

問。此二十部中。四分律當何部耶。答。此四分律當法藏部。問。依何文言。爾。答。依舍

利佛問經三千威儀經遺教經宗輪論此四說而言爾

二言凡聖流漢者問此律教誰始傳漢地答善見論云付諸大德諸國流傳亦摩訶勒棄多曾至漢地流行律教又師子國等有別人流行問流行漢地者九代中何時耶答後漢明帝永平元年戊午歲即位至永平五年夜夢丈六金人至十年丁卯之歲有西域僧迦葉摩騰遊化至于漢地又至十一年歲次戊辰復有竺法蘭來至此土此土人請曰我欲知師法出家受戒即與剃髮披著緋條與受三歸五戒准薩婆多論佛成道八年止三歸與羯磨受中國十人邊方五衆由此摩騰止有二人不得受具如是乃至第十恒帝志丁亥即位運二十一年至丁未之歲永康元年從前明帝戊辰之歲至此丁未總一百年唯用三歸五戒共相傳受恒帝既崩第十一靈帝閣立戊申即位自建寧年已後北天竺有五沙門支法領支謙竺法護竺道生支樓識等五人來到此土與大僧受戒即五人受也自爾已來始有戒法相傳其時大律未到此土支法領口誦戒本一卷羯磨本一卷在此流行今時古羯磨戒本者是並出曇無德部自爾已後復運五十五年至魏文帝丕曹子也黃初三年歲次壬寅有中天竺沙門曇摩訶羅成云此云法時遊至許昌改許昌爲許昌其人幼而聰敏質像懷偉尋讀一覽文義悉通善四韋陀妙五明論圖織運變靡

所不說自謂在世無過乃入僧坊遇見法勝毘曇嚴勸尋省莫知旨趣乃深歎曰佛法深妙因即出家誦大小乘經及諸毘尼來至許昌觀魏僧衆全無律範自來之後又運二十八年兼前五十五年合八十三年至魏廢帝齊王芳嘉平二年歲次庚午於雒陽更集梵僧以羯磨法與大僧重更受戒准用十僧並翻僧祇戒本一卷又安息國沙門曇諦亦善律學出曇無德羯磨以用受戒此重受之由如邁法師譯經圖記即是大僧受戒之由也次明尼衆者靈帝之後亦從大僧求受大戒支法領語曰依如佛教唯開邊地五人大僧受戒不開尼衆尼衆泣淚而退又從靈帝已後運五十三年至漢末魏初東天竺國有二比丘尼到長安見此土尼衆問曰汝誰邊受大戒尼衆答曰我至大僧所受三歸五戒二尼歎曰邊地比丘尼未有具戒遂還中國化得十五人三人在雪山凍死二人墮黑欄死屈至此土唯有十人自爾已前尼悉赴京與受具足後到吳地與彼尼衆受戒自爾已來尼衆始有戒法相傳受戒竟後三人命終唯七人在來運十七年思憶本鄉即附南海商人而還本國一去已來更不委耳此初受戒但在魏初未許定是何年月日又從魏初黃初元年庚子歲後計有二百一十一年至宋第二文帝義隆元嘉七年歲次庚午有屬賓沙門求那跋摩此言功德鎧即其國王之少子至于楊州譯善戒

等經又復有師子國尼八人來至宋地云此地未曾有尼何得二衆受戒功德鎧云尼無本法者得戒而僧有罪尋佛制意先令作本法者政欲生其善心爲受戒方便論其得戒法出大僧但使羯磨法成自然得戒今詳魏初尼已受戒而功德鎧即西域人不練根由而言無本法也當時尼衆苦求更受功德鎧云善哉隨喜且令西尼學語更往西國請尼令足十數而功德鎧雖先許尼重受大戒但譯比丘尼羯磨一卷譯經圖記云四分羯磨一卷是也而受戒未事遂而終俄然遂至元嘉十年歲次癸酉有印度沙門僧伽跋摩此云衆鎧戒德清峻道俗敬異自流沙至楊州復有師子國尼鐵索羅等三人至京足前十數便請衆鎧爲師於壇上與尼重受大戒齊末梁初鍾山定林寺僧祐律師記云最初爲影福寺慧果淨音僧要智景等二十三人受戒自後不能繁記自爾已來將爲善受問有何證驗知得戒耶答南山律師記云昔魏文帝三年內作無遮大會文帝問曰此僧尼得戒原由云何可知諸大德悉皆不答于時即有比丘請向西國問得戒所由到北天竺遇見一羅漢啓問曰振旦僧尼受得戒不答曰我小聖不知得又不語比丘曰汝且住此吾今爲汝往問彌勒得來報於是即入禪定向兜率天問曰我是小聖不知邊地爲得戒不故來問尊彌勒答言邊地得戒遂請證驗即取金花而

願言。若邊地僧尼得戒者願金花入羅漢手。若不_{得者}金花莫入。願訖。金花即入掌中。一尺影現。奇徵既爾。內懷歡喜。彌勒語曰。汝下至振旦比丘所。亦當發願。若使振旦僧尼得戒不虛。唯願金花入比丘手。當即發願已訖。以手案花。花入比丘掌中。一尺影現。瑞應既爾。欲來還國。遂有迦羅羅神。現身語曰。道路懸遠。多諸險難。弟子送師。令達彼國。未至之間。魏文帝殿前。先有金空中影現。文帝問大史曰。何變怪也。大史答曰。西國有佛法來此。于時不盈一月。比丘掌中有金花。來到之日。空裏金花即滅不現。當發漢境。總有十八人。或有慕聖情深。即往彼方。或有逢難命謝。正有一身。從其大苑博尋。舊跡來達秦。今詳魏文帝三年。內作無遮大會者。若是前魏文帝。即是黃初三年壬寅之歲。計其年月稍不相當。且如唐靜邁法師翻譯圖記。沙門釋智嚴。涼州人也。弱冠出家。納衣宴坐。分衛自資。于時晉安帝義熙十三年滅後秦伐姚泓。_{泓是姚長孫也。八月為東晉劉裕所擒於建康。即斬之。}始與公王恢從_還遊觀山川。見嚴禪思。即請還都。然嚴先西得經梵本未譯。後至晉末宗興。_{東晉大劉裕以晉恭帝元興二年十月受。此從晉禪改為宋朝也。}至宋文帝元嘉四年。_{此從晉禪改為宋朝也。}歲次丁卯。於揚都栢園寺譯普曜經等合三十六卷。然嚴未出家前曾受五戒。有所虧犯。後受大戒。疑不得戒。遂汎海至印度。諸問難漢。羅漢不決。為請彌勒。彌勒答云。得戒。嚴甚喜焉。若據前魏

黃初三年壬寅之歲。至宋文帝元嘉四年丁卯之歲。智嚴翻譯之時。當二百六十六年。豈容有人一百餘歲。若言後魏道武帝創都此代。皇始三年歲次戊戌。于時彼未敬信佛法。誰復詰問得戒根由。況復皇始之與黃初。文帝武帝並皆有異。何得戒證。故知南山錯記也。今詳此是後秦姚興諡文桓帝。皇初三年歲次。景申。_{皇初字與前魏晉氏黃初字不同也。}至元嘉四年合三十二年也。義准智嚴創往西域。猶應少年。往返還延更運三十二載。即與譯經圖記相符合也。宜勘秦魏史傳。問智嚴法師初在秦朝。何得宋代翻譯。今詳。後秦為宋劉裕所滅。所以智嚴從秦入宋。又出家之道遊化諸方。故無傷也。_{當元嘉年廢胡時。二夏國。三北涼。四北燕。五後魏。六宋國也。}此中總計大僧初受戒。從漢靈帝戊申已來。至今大周長安三年歲次癸卯。當五百三十六年已還。大僧第二重受戒。從魏芳帝嘉平二年庚午已來。至今大周長安三年歲次癸卯。總計四百五十四年。比丘最初受戒。從前魏黃初元年歲次庚子。至今大周長安三年歲次癸卯。當四百八十四年已還。比丘第二重受戒。從宋元嘉十年癸酉已來。至今大周長安三年歲次癸卯。當二百七十一一年中間。至周武帝滅佛法。有靈祐法師等十人。藏在勒摩提將軍家。大隋創興。總得九人。與人受具戒也。

聖明王始奉佛法。表讚功德。蘇我稻目宿願大臣奏云。隨勅可尊三寶。而弓削守屋大連。中臣鎌子連等。邪見不從。然後從庚申始至于辛卯。合三十二年。磯城島天皇崩也。次壬辰年。他田宮御宇。淳名倉太瓊天皇即位。同年四月。以蘇我馬子宿禰為大臣。從此年始至于十四年乙巳。即弓削大連燒佛殿并佛像等。取燒餘佛像流棄於難波堀江。秋八月。太瓊天皇崩也。日本記云。庚寅年燒堂舍佛像。而流於難波堀江。然則從庚寅年至乙巳年。所經歲次合十六年。是和會難。次從乙巳年至子甲寅合經十年。即他由天皇后。豐御食炊屋姬天皇以甲寅年詔皇太子上官廐戶豐聰耳皇子。蘇我馬子宿禰為大臣。更令興隆三寶。始作飛鳥大寺。此年皇子年二十二歲也。從磯城島天皇即位元年法外十三年歲次壬申。始至于法內天長七年歲次庚戌。合二百七十八年。佛法興隆於倭國。唯論其中興廢者。謂從廣庭天皇即位十三年壬申。至高野天皇即位天平勝寶六年甲午。竝一百十年。戒法不精嚴。亦倭地皆悉無不受戒處。漸漸尋佛意趣。不壇場地亦不結界地不得行大法。由此而言。彼時受者不依佛教。恐不得戒。

第四明大唐師所傳者。謂於中有二。一述傳戒法。次建招提寺。初述傳戒法者。謂靈真大和上入界始建壇場。而傳戒法。伏惟住持之德。沙門大唐楊州江陽縣人龍興

●往二注● ●景二丙● ●始十(至)?

寺之大德也。俗性淳于氏。齊大夫之苗裔。稟姓秀於人倫。而彼行猶由聖法。戒珠淨瑩。利他心深。於諸州中而唯獨爲化主。至于大唐開元二十一年。沙門生年三十六也。大唐萬歲通天二年生。淮南之內淨持戒律者。唯沙門獨秀無倫。道俗歸心。天下五百餘州仰爲受戒之大師。講說之閑修。造古寺八十餘處。供養十方衆僧其數無量。縫納袈裟一千領布袈裟二千領供。送五台山衆僧。設無遮之大會。躬調藥物以治病患。飢者施食。寒者給衣。凡經行之所無不蒙賴也。沙門前後度人立壇授戒其數無量。各在一方傳法於世。其事繁多不可具載。時沙門在揚州大明寺。爲衆僧講律。其先所造石塔浮圖忽然放光。又現菩薩三目六臂。自稱般若仙。以爲講說之靈驗也。種種變現其事繁廣。不可具述。於是唐留學問僧榮寂普照在都承聞靈驗遠振。卽至揚州大明寺頂禮和上足下。具述意曰。佛法東流日本國。雖有其法而無傳法之人。願大和上遊東興化。卽大和上唱弟子僧祥彥等二十一人。仍買嶺南軍船一隻。雇得船人十二口。備辦乾糧。載經像并雜隨身物。道俗工匠水手等都有八十五人。天寶二載十二月。舉帆東下。到明州界狼溝浦遭惡風浪。船被打破。人物飄沒。唯大和上獨在浮草上。端座不動。有五色物扶和上。左右漸牽至岸。又同船人三分存一。大和上遙見欲入水救之。忽然空中有聲云。莫入

水。俄爾惡風便息。二十餘人著岸免死。大亦立壇授戒。勅賜度人。其數亦多。天寶十二載歲次癸巳十月十五日壬午。日本國大使特進藤原朝臣清河。副使光祿卿伴宿禰古滿。副使祕書監吉備朝臣眞吉備。及留學生衛尉卿安倍朝臣朝衡等同至龍興寺。禮拜大和上云。弟子早知和上向日本國將欲傳戒。今親奉面頂禮歡喜。弟子等今錄和上尊名上奏。將向日本國亦不難也。但主上教崇道士。欲遣東國流轉其法。然弟子等不崇其法。方便奏停。更勸請大和上。以天寶十二載十一月二十九日戌時。從龍興寺出。至江頭乘船。下至蘇州黃泗浦。同隨者揚州白塔寺法進大德等。道俗總有二十四人。將如來舍利經像律論疏章。隨身衣鉢等寄載第二船。十二月十五日壬子。四船同發。其三箇船皆飄迴破損。唯大和上所乘第二船。雖遭惡風平安著薩摩國。此亦和上之所擁護也。經海十二日。卽二十六日辛卯入太宰府。天平勝寶六年歲次甲午二月四日入京。和上年五十六。勅使安宿王於羅城門外慰勞。引入東大寺安置。五日唐道璿律師。菩提僧正。及諸寺大德禪師等。來相慰問。六日大臣大納言宰相已下官司二百餘人。共來禮拜問訊。後更勅使從四位上吉備朝臣眞吉備來宣勅旨慰勞曰。大德和上遠涉滄波投此國。誠副朕意。喜慰無喻。朕造此東大寺經年。欲立戒壇。充僧受戒。自有此心日夜不忘。今和上遠來傳

流戒法。冥契朕心。自今以後。授戒傳法。一任和上弘通也。便請大和上及法進沙門相隨徒衆等入內安置。太上天皇先請大和上。親對受菩薩之淨戒也。仍拜和上爲釋門大僧正。其法進沙門爲律師也。仍卽爲濟和上旅疲以奈良城右京五條二坊內新田部親王家。四箇町地并房舍。及備前國水田一百町。以永施與大和上。用爲宿院及供料則飾造堂舍。號稱招提。安置佛像經教。設無遮之供。以資供十方衆僧。用期於來際壇場。飾造東大招提二寺。授戒無間。寶字二年中。更有別勅加大和上之號。詔天下僧尼。皆歸大和上習學戒法也。自爾以來。以僧二百五十戒尼五百戒授與此土出家之類。住持佛法鎮護國家。然後彼授戒儀式迄至今時經數年。而尙爲一道無別異矣。漸惟和上住持。當契於佛意趣從小而入大。於大唐日本二朝而其流法唯一。亦更無別岐。誰人與競之。住持之迹兼於來葉。引接之悲及於草木。豈唯有現在之利。亦復該當後之益。夫以先後聖人以佛戒流布於閭浮界。七衆侶各雖受持尙未顯師資之尊號。亦未明所傳之境界。故薄錄之。戒法傳來略其如此

戒律傳來記上卷

是記者吾祖過海大師法孫豐安大德。天長七年奉勅所造也。蓋以此時令諸宗各上其宗要。於是法相護命撰研神章五卷。三論玄

歡大義鈔四卷。天台義真製宗義集一卷。華嚴普機作一乘開心論六卷。真言空海著十住心論十卷并祕藏寶鑰三卷。律宗則造此記各以奉進。予嘗索此書久矣。偶得之於宇智郡五條町。喜悅無比。然原本三卷而今現存者唯上卷一本耳。深可惜也。雖然此卷明記本宗傳來本寺戒壇建立及僧尼授戒規範事。最是無上寶典。不可不尊重也。今年加修理奉納于唐招提寺寶藏。以期末代弘律龜鑑而已。

明治三十七年辰八月九日

唐招提寺應量坊住持興律沙門智海

No. 2348

律宗綱要卷上

東大寺沙門凝然述

夫毘尼大藏蘊萬法而無涯。尸羅廣行攝億度而難測。五住妄惑由戒行而頓盡。二死煩惱以木叉而永絕。斯適渡愛河之寶筏。越憤山之神車。入覺都之親因。到佛地之直道者也。況又三寶導物住持之功。是五衍聯乘拔濟之德甚大。經論弘世專由毘尼之能。定慧斷疑偏任戒行之力。寔護法攝僧之綱領。開務濟物之模範。菩提涅槃之坦途。四智三身之良則者。唯此戒法顯窮精美。今舉綱宗粗顯義理。教法歸趣所立有由。法林楷範。義澤滔沿。樹瀾之中。

僅取歸葉云爾。戒律大綱甚深廣大。以法界為境。以虛空為量。貫括事理。該羅相性。包真俗而無遺。收空有而無外。虛曠沖幽。遍容含攝。畢竟窮究。其唯是耳。且夫大乘實道義門森羅。衆生發足心路區別。圓宗廣蕩。佛乘玄奧。頓悟機熟直示一道。根緣未熟別施方便。故於一佛乘開說三乘。依自乘法調練機根。終入根本一乘大道。頓悟漸進宜緣雖異。俱歸一乘。咸入一性。如來出世。成道化物。大事因緣。意致在藏。然則大乘行者頓入大道。發菩提心。要期佛果。廣大慈悲普緣衆生。六度四弘。三學四攝。自他兼利。願行圓滿。斷證窮盡。即成佛果。四智究竟。四德圓備。三身具足。大用恒現。斯迺一乘圓教發趣進修。深遠廣蕩。任敦自在。大用無窮。化業無盡者也。二利萬行相雖無邊。必遵三學具足進修。習行次第法應爾故。創入佛法。以信為先。次受戒法。止防業非。戒塘已堅。定水澄靜。伏除煩惱。令不現起。無漏大慧現前。生起。頓斷惑種。無有所遺。妙智證理冥合湛然。大乘三學功業如是。菩薩戒學三聚攝盡。歸敬儀上云。爰初投。是先奉戒宗。戒本有三。三身之本。一律儀戒。謂斷諸惡。即法身之因也。由法身本淨惡覆不顯。今修離惡功成德現故。二攝善法戒。謂修諸善。即報身之因也。報以衆善所成。成善無高止作。今修止作二善。用成報佛之緣。三攝衆生戒。即慈濟有心功成化佛之因也。以化佛無心隨感便應。

今大慈普濟。意用則齊。已上此三聚戒收攝萬行。攝律儀戒是止惡門。從初發心及至佛果。禁防惡業。止息非違。伏滅惑種。不令生現。正斷惡種。除盡習氣。棄捨變易。異熟報體。棄捨非障有漏等法。皆是攝律儀戒行相。攝善法戒是修善門。始自發心。終至極果。攝修諸善。練習衆行。萬行萬善。無所遺餘。靜慮智慧。防道止道。伏道斷道。作門善門。修行構造。福德智慧。二種莊嚴。四智菩提所生得法。二空真如所顯得法。感獲體證。如是等門皆攝善戒。饒益有情。所有諸行亦是作門。種種無量利生之門皆造作故。後智如量。善巧方便。濟生攝物。大悲代苦。如是等事皆攝生戒。是名菩薩廣大甚深山海喻法三聚淨戒。此三聚中攝盡萬行。貫括衆德。為戒門故。問。若爾以何為定慧學。以戒學中盡一切故。答。大乘三學義門互攝。舉一全收。無不窮盡。總攝萬行。以為戒學。蘊積萬行。名為定學。含聚萬善。以為慧學。一一法門通三學故。雖言三學互是萬行。為門不同。故分三學。止惡之中有其善門。是定慧故。定慧之中有其止門。是戒學故。事相互融。定不離戒。正念思惟。作利益事。安住正見。饒益有情。隨利生事。成立定慧。是故饒益名為定慧。正見正思即成利生。不捨大定大智體義。即作大悲大化事業。初心已後轉勝漸深。內體外用。不動不捨。互通互攝。無礙自在。故今大乘一實教中。語戒則一戒一切戒。

無有定慧而非戒者。一心一切心。無有戒慧而非定學。一慧一切慧。無有戒定而非慧者。戒定慧品。一心中得。一念三學互通無礙。一法成萬行。一念經多劫。一多全攝。念劫互融。無方即入。圓滿周盡。由此義故。萬行三聚即成定慧。萬行定慧即成三聚。雖三聚中攝盡萬行。以戒爲門故名律宗。大乘萬法。萬行之中皆有戒法。諸經論中多說如是諸行相故。始自三歸終至佛果於諸位中皆有戒行。因中諸階戒法因成。果位極處戒行果滿。七聖財中有戒聖財。十無盡藏亦有戒藏。三學門中戒學最初。六波羅蜜戒度第二。十信位中有其戒心。華嚴經中。十信會有淨行一品。十住會中有梵行品。十梵行中戒爲行體。十行十度第二戒度。十地十度一增具。及各圓具。信前信位。三賢十地。一位中皆具戒行。須臾剎那無有離戒。若無戒法非菩薩故。至佛果地萬行圓熟。感成萬德。一切圓極。此萬德果皆由戒行。故佛果上有諸戒德。五分法身有戒法身。福智莊嚴有戒莊嚴。三十二相無差別因。以戒爲體。是化身相。他受用身八萬四千相好光明。十蓮華藏微塵數相。無差別因。皆是戒力。別別因中亦有戒功。如是因果功德法門皆是戒行戒德所成。菩薩因果內悟外益咸以戒行成立如是。

問。一乘圓宗菩薩大人所受所行佛果妙因。既是三聚廣大戒法。其受戒等行相云何。答。菩薩大人意樂深廣。行解高遠。所應受

者不捨一法。所應行者無遺一行。萬行之數億度所管皆是所修。無所棄故貫括無邊包納無盡。大乘義相。法如是故。由此義故受此大戒總有二門。盡其方軌。一者總受。牒三聚戒總通受故。所牒三聚即是羯磨。義寂法師立此名故。占察經中有此名故。亦名通受法。通受三聚故。慈恩太賢建此稱故。二者別受。於三聚中。別受攝律儀戒一門。盡行相故。諸師共同建此名故。

問。何故唯攝律儀一聚有別受法。攝善攝生二聚之中不立別受。答。律儀一戒指定七衆。佛爲聲聞。於一乘中摘律儀分制諸戒法。佛法七衆是故成立。今菩薩人此門諸戒本自己已有。元來三聚律儀七衆。非唯別受定七衆姓。其通受門定衆亦爾。攝善攝生無此事義。是故後二無別受法。

問。通受律儀既定七衆。何故必用別受律儀。答。別受作法同聲聞故。三乘共同婆娑風故。

問。通別二受何長何短。答。通受作法盡未來際。別受唯是一形壽法。

問。菩薩何故用盡形法。答。菩薩行解廣大深遠。盡未來際是長時修。亦有一形盡壽之法。長短自在。隨期即成。一法多法無局限故。欲盡未來用通受門。欲盡一形用別受門。長短隨意法應爾故。

問。三聚淨戒出何教文。答。三聚法門源出華嚴。至其廣相即在後時處處所說諸大乘經及諸論等。彼華嚴經唯言戒有三種。

不出名相。釋家即陳三聚戒義。梵網戒經有三聚義。不別立名。釋經諸師就文以義廣明三聚淨戒之相。賢首師判梵網戒云。總以三聚淨戒爲宗。十重經文配對三聚。太賢師判四十八輕。一戒具三聚戒義。梵網戒經佛最初說。璣珞本業如來成道二十八年時之所說。彼經上卷賢聖名字品中說十重戒。下卷因果品說六波羅蜜。其戒廣中開三聚戒謂自性戒。受善法戒。利益衆生戒也。大衆學品云。佛子。今爲諸菩薩結一切戒根本。所謂三受門。攝善法戒所謂八萬四千法門。攝衆生戒所謂慈悲喜捨。化及衆生皆得安樂。攝律儀戒所謂十波羅夷。已上善戒經中說三聚戒。然彼經本有大小部。九卷廣本具說六度。其戒品段第五前半。戒波羅蜜說九種相。其第二相名一切戒。此中總說三聚淨戒。即通在家出家二衆。烈三戒云。一者戒。二者受善法戒。三者爲利衆生故行戒。彼具演說三聚相貌。又有一卷善戒經。賢首大師名重樓戒經是也。彼經所說。先受五十具三戒。已。然後受菩薩戒。此菩薩戒者通受三聚戒。烈三聚云。攝持一切善提道戒。利益一切諸衆生戒。此即攝善攝生二戒。此是彼經出菩薩戒羯磨。而唯舉二聚略攝律儀戒。即次上句受一切菩薩戒所攝。彼經所說羯磨要略。至戒相者具說出家菩薩八重。即當梵網前後四重。後說輕戒四十餘條。大同。瑜伽所說輕戒。廣本善戒廣說三聚。而不說彼四重四十餘輕等相。

三聚相狀大同。瑜伽地持所說。占察經中說。三聚戒烈三戒云。攝律儀戒。攝善法戒。攝化衆生戒。彼經上卷廣明。菩薩發菩提心。學大乘道。悔過滅罪。自誓總受三聚淨戒。受菩薩根本十重禁戒。成戒法已。即名比丘。比丘尼沙彌尼等。各學聲聞律藏。菩薩摩訶薩。通受行相顯了委悉。餘經三聚若文若義散說非一。準此可知。諸大乘論。三聚淨戒。名義行相所說甚廣。瑜伽大論所說窮幽。即是根本摩怛利迦本地分內菩薩地中具說六度。其戒度中說九種戒。一切戒者即三聚戒。出家在家菩薩所持。各受三聚盡諸戒相。彼戒度處決擇分文循環研察極了明白。及餘處文隨應具說。彼地持論是瑜伽論本地分中菩薩一地同本異譯。是故無彼決擇分等。攝大乘論戒學殊勝亦明三聚。唯識論第九要略明三聚。及十地論第二地處。並餘論等。隨宜所說廣略非一。廣略善戒與瑜伽同。兩本善戒如來自說。瑜伽地持彌勒所說。而彼此同者。如來最初說善戒經。彌勒親承。如來滅後九百餘年。傳說在世親聞之法。是故瑜伽同善戒經。汎而言之。瑜伽戒本採集蘊結如來所說諸大乘經處處散說諸戒法門。以爲一大戶羅藏法。即九種三聚開合無礙廣大甚深共不共藏也。非唯大乘亦採小乘所制毘尼。攝律儀戒七衆戒故。大納小故。三乘共故。本來元自菩薩法故。小即大故。不見小故。是故瑜伽攝律儀戒全讓律藏。故彼第七十五卷云。復次當

知菩薩毘奈耶略有三聚。初律儀戒。毘奈耶聚如薄伽梵。爲諸聲聞所化有情略說毘奈耶相。當知即此毘奈耶聚已上。此即四分五分等律所說諸戒即律儀聚。戒相行儀大途同故。

問。諸教三聚同異云何。答。修多羅義根本所說。要略明相在本業經。阿毘達磨廣釋分別。體相窮究在瑜伽論。兩本善戒如來自說。彌勒託此說瑜伽論。故瑜伽論全同善戒。攝論唯識全同。攝善攝生諸說無異。本業經所說律儀是有不同。不同相者。本業十重爲攝律儀。前四是共。後六不共。菩薩獨行。瑜伽七衆爲攝律儀。唯是共門。即前四重及諸枝條。本業律儀即如前引。瑜伽律儀者。彼四十云。律儀戒者。謂諸菩薩所受七衆別解脫律儀。即是苾芻戒。苾芻尼戒。正學戒。勤策戒。勤策女戒。近事戒。近事女戒。如是七種依止在家出家二分。如應當知是名菩薩律儀戒已上。此即與彼聲聞所受七衆戒法其相全同。占察三聚與瑜伽同。通受三聚律儀七衆。而說菩薩十根本戒。即是十重應是律儀。全同璣珞。

問。璣珞瑜伽攝律儀戒所說不同有何所以。答。本業是約真實理門。瑜伽是約隨轉理門。攝律儀中有三業戒。身口是共。意業不共。不共即是自息惡戒。本業經中。攝律儀戒具說三業。瑜伽律儀既是共門。其意業戒何聚所攝。慈恩大師唯識疏意。爲顯共不共二門差別。以共門戒爲攝律儀。其自息惡

戒攝善法戒收。攝善法戒通三業故。義寬廣故。攝善攝生本不共故。若據實義不共律儀。自息惡戒即是攝律儀戒所收。是故此義還同本業。其意業戒即論四重自讚毀他已後是也。此四重外亦說四十二輕。三四五輕並是菩薩不共戒相。通倫釋云。其餘菩薩四波羅夷四十二輕戒等。皆是攝善法戒。衆生戒中有違犯故立此戒。非是攝律儀戒已上太賢法師不共四重爲三聚本。通三戒攝。梵網十重。賢首二釋。一從勝爲論。此十重戒是律儀攝。俱止惡故。二若依通義皆具三聚。一不犯律儀戒攝。修彼對治十罪之行攝善法攝。以此二戒教化衆生。如自所作即爲攝衆生戒。

問。梵網所說四十八輕。瑜伽所說四十四輕。狀貌行相同異云何。答。瑜伽輕戒多約出家。梵網輕戒通於道俗。經論輕戒或同或異。瑜伽輕戒制於攝善攝生二戒。其所同之分通論後二聚。攝善制六度所達。饒益制四攝所達。賢首義寂法銑勝莊以梵網輕戒與論輕配對。所當之者皆悉對判。其餘有無總別開合。且如經不敬師長戒。即當論第三戒。不舉教職戒。當論第七戒。不能請法戒。當論第三戒中一分。不聽經律戒。當論第三十二戒。背正向邪戒。當論第二十七戒。不瞻病苦戒。當論第三十五戒。法化違宗戒。當論第三十六戒。惜法規利戒。當論第六戒。無知爲師戒。當論第十一戒。不能救生戒。當論第十五戒。如是等相恐繁略之。如飲酒食肉

五辛戒等論中無之。隨文可悉。

問。梵網瓔珞所舉八萬威儀三聚戒中何聚所攝。答。八萬威儀是十重枝條。莊嚴本重令堅守護。全同二百五十戒法攝。戒種類屬本四重莊嚴重戒本條較潔。

問。若爾八萬威儀戒中應有一百四十六戒。是前四重莊嚴相故。答。有無難知。未傳度故或同或異俱不可遮。

問。瑜伽四。十輕應後四重枝條。答。若考文相應有其義而未可定。多差別故。此後四重屬後二聚戒是故致此問答決釋。若後四重屬律儀戒於瑜伽門不可有之。然玄憚師以地持論後四重戒為攝律儀。即同本業經。准知後四重戒枝條之分全與聲聞五篇不同。是不共戒所說相故。其前四重枝條之戒有不共戒。本重戒有不共門。故一針一草制為重戒。殺六趣生皆波羅夷。世間妄語制重戒。如是不同。

問。藥師經言。菩薩四百戒。是何等相。答。通倫藥師經疏云。言菩薩四百戒者。宋本云。善信菩薩二十四戒。又云。若菩薩戒。隋本云。一百四戒。義淨翻經亦言菩薩四百戒。宋本云。二十四戒者如善信菩薩經及呪小呪經說善信菩薩是在家女人也。下云。若菩薩戒者應是出家菩薩戒也。唐隋二本不別明之。可謂但明在家戒矣。唐本云。四百戒者。法藏師云。菩薩戒以十善為根本。言十善者。信等五根無貪等三善根。及與慚愧。合為十善。十善每一經十。合為百數。此各

有。四。一自持。二他持。三讚嘆。四隨喜。如是即四百戒也。隋經云。一百四戒者。謬書置四字下故也。然非聖教。未知定實已上法藏大師計四百相。此法藏者是賢首師。應是菩薩毘尼藏文。梵網疏中無此文故。彼文總釋諸教戒故。梵網疏中多指彼故。雖言未知定實。且以此為行相。餘師釋中無別相故。

問。諸教中說菩薩輕戒。總有幾許差別數相。答。賢首十門明輕戒相。瑜伽四十四地持亦同。菩薩內戒經四十二經。善生經中除六重外別有二十八輕。依方等經除二十四戒外別有五五二十五種。制不應作內戒已後。多在家戒。瑜伽地持多出家故。梵網四十八輕。此經細分將一百戒。此二即通道俗所持。八萬威儀即有別品。或十萬種如梁攝論引毘奈耶羅沙羅經。十或塵沙如智論說。若據總攝。聲聞律藏所說戒法二百四十六戒。三百四十戒。五百戒中六萬細行。十二萬細行。此等並是菩薩共門。攝律儀戒行相而已。

問。震旦諸師學大乘人而解律藏。秉持弘傳。為依通受門。是別受門耶。答。古來諸師依別受門。秉持律藏。弘通戒法。本宗習學大乘。諸師隨宜弘法。彼此不定。戒是三聚妙戒。定慧有空中道。攝律儀門專弘律藏。古來律師皆其輩耳。

問。今此律宗者以誰為高祖。答。以終南山道宣澄照法慧菩薩為律高祖。南山大師

降生隋朝。播化唐運。是四依弘經之薩埵。三生持律之祖師。居終南山。大弘律藏。開化攝御。秉持第一。飛名西天。騰譽東土。大乘教理窮盡玄旨。造法華疏。弘敷一乘。開演涅槃。弘佛性宗。講楞伽經。顯唯識義。達攝大乘。示圓通理。論窮成實。律弘四分。綱紀像教。住持遺法。立教開宗。出體示用。蕩蕩乎難思。煥煥乎巨測者也。

問。律宗高祖南山大師云。何分判諸教弘演律藏。答。終南尊者四教開宗。隨宜託緣。勢變多端。然其祖意所指之處。不過三觀三宗義門。約化教則性相唯識。觀解窮奧。約制教則有空圓宗。戒體盡理。三觀正就。定慧兼攝。戒體三宗正談。戒體兼攝。觀解若直對判。三宗是戒學。大小顯然。三觀是定慧。半滿炳焉。小乘三學。大乘三學。大小二乘。相決同異。祖師所判。義理窮盡。若依兼帶。雖有傍正。三觀即攝。大小三學。三宗亦攝。半滿二教。此總約就。一代為言。若據祖意。專在大乘。圓教戒體是大乘戒學。唯識圓觀是上乘定慧。以此意致弘通律藏。當知四分律宗戒體戒行等義。皆成圓滿無礙妙戒。以深決淺。以勝決劣。以廣攝狹。以圓攝偏。圓頓圓融圓滿之旨。唯識唯心唯理之義。洋洋窮性。澹澹盡幽。異門判教。隨時是多。或三輪攝教。或化行二教。或化制攝教。或制聽二教。漸頓二教。大小二藏。三藏四藏。及八藏等。或引他所立。或舉自所立。或約小教。或通大小。或約制教。或通化制。義門非一。商

通大小。或約制教。或通化制。義門非一。商

量甚多。隨時判攝。不違大途。

問。以幾教典總為律宗所依法門。須定分齊。答。祖師域心大乘一極。超勝高大廣博甚深。專依一乘圓融教典。起心發足。學行弘持。法華涅槃楞伽攝論即是行用傳布所憑。一乘極道不過三學。次第相由速到佛果。大乘戒學東為三聚。為攝三聚總相行門。取諸大乘教中所說一切戒法為所依教。即梵網璣瑤善戒善生地持瑜伽地論攝論各說戒學之處是也。其律儀中共門諸相全同。諸律所說行相。為此業取用律藏。即在小乘諸律藏中。正用四分律。兼通諸部等。由此義故。今律宗者。若約教門大小藏陳戒之處。採集蘊積為戒律宗。若約行途大乘一實圓頓妙宗。唯識滿教為其依據。弘持一乘究竟戒律。是故所用律藏行相皆是大乘無礙極宗。是名律宗教典分齊。一乘普眼本無小乘。小機所見本一乘故。小乘法中教理行果本來一乘。不見小法。不存異途。故此律宗圓頓大乘廣博深奧無礙大藏。昔唐招提寺豐安僧正奉勅作戒律記三卷。定宗分齊云。

問。大小教律宗何攝。答。總束諸戒學以爲一宗也。於我本朝唯有菩薩律師。元來無爲偏執局見小乘。已上廣陳。總通採集大小教戒名。一大乘毘奈耶宗。專契瑜伽採集深意。祖師注羯磨序云。大雄御宇意唯拯拔一人。大教廣期指歸爲顯。一理已上一人。是人。即能乘人。一理是理。一理是教。一。

教中攝行。理中攝果。行即彼序所陳止作持之行。果即所引華嚴無上菩提極果。內典錄六云。通曰大乘。無教不攝。據此而叙無別小乘。已上嘉祥大師涅槃疏中。引與皇大師所說云。本無小乘戒。唯大乘戒故。廣說如彼。此即十方佛土唯一乘。無二無三。除方便說之意也。今南山大師所立亦爾。故業疏中。竝內典錄引法華經十方佛土等文成立唯一乘戒等義。香象丘龍等師義途亦同。自昔已來最極一乘戒法亦爾。唯一乘戒。爲諸小機摘大中分。大機見本元來一乘。香象探玄記即引文殊問經十八及本二皆從大乘出等文。丘龍元曉勝鬘經疏專明唯一大乘戒義。南山大師戒疏之中專引十八本二從大乘出之文。彼此義相一味均等。行事鈔中一深破戒律認謂小乘。成立大小二乘理無分。隔悟解在心。不唯教旨之義。教誠儀序亦破。以律爲小之者。當知南山所立戒宗。上衍極致。一乘旨歸。終窮圓融。大戶羅藏。

問。如來出世何故制戒。答。如來應世。爲令衆生感成極果。制說戒律。菩薩發心要期佛果。修習萬行自利利他。大乘三學次第梯登。三聚戒學最初佩帶。然後成就大定大智。三聚圓滿得三身果。定慧隨應與三聚合。法報化身究竟圓極。所以如來說三聚戒者。總而言之。爲令衆生返流歸源故。別而言之。略有十意。一爲欲顯示如來自證三身妙果。令諸衆生信解行證故。二欲

令衆生識知自心本有三因佛性故。三爲令衆生識三發心故。直心深心及大悲心是其三心。如次三身極果因也。四爲令衆生識知真如體相用大勝功德法故。五爲令衆生成就斷惡修善度生三種妙行故。六爲令衆生成就三迴向故。謂迴向實際。迴向菩提。迴向衆生也。七爲令衆生分證三身故。八爲令衆生獲極圓滿三身佛果故。九爲令衆生感成法身般若解脫斷智恩德。十爲令衆生斷除界內外惑業苦報三障故。梵網經等諸大乘教所說三聚教典如是。此是通受戒法教起。若明別受戒法教典。即是諸律興起所由。且如四分律藏爲令調伏三毒盡故制增戒學。此乃爲令獲得無漏聖道。非爲令得世間福樂。小乘極果斷盡惑障。菩薩亦斷彼煩惱障。律儀共門得證必歷。其不共門自息惡戒。自斷惑法。對治十業伏滅二障。斷二障種除二障習共不共門通行別行合和成立。大事圓滿。問。前所標立南山大師三觀教者其相是何。答。言三觀者。一者性空教。泯入法性見其空理。小乘根鈍不能即空。折破人性對遣法體至我法無。以空爲理。由此觀解伏斷煩惱。證見滅理。獲自乘果。即四阿含等經。僧祇四分等律。俱含成實等論。一切小乘諸教此攝。二者相空教。泯入法相。外道凡夫所執人法。從本已來體相即空。是小菩薩教理行果。諸般若經及彼部論所說相空即空觀解。此等諸典皆此教攝。三者唯識教。

令衆生識知自心本有三因佛性故。三爲令衆生識三發心故。直心深心及大悲心是其三心。如次三身極果因也。四爲令衆生識知真如體相用大勝功德法故。五爲令衆生成就斷惡修善度生三種妙行故。六爲令衆生成就三迴向故。謂迴向實際。迴向菩提。迴向衆生也。七爲令衆生分證三身故。八爲令衆生獲極圓滿三身佛果故。九爲令衆生感成法身般若解脫斷智恩德。十爲令衆生斷除界內外惑業苦報三障故。梵網經等諸大乘教所說三聚教典如是。此是通受戒法教起。若明別受戒法教典。即是諸律興起所由。且如四分律藏爲令調伏三毒盡故制增戒學。此乃爲令獲得無漏聖道。非爲令得世間福樂。小乘極果斷盡惑障。菩薩亦斷彼煩惱障。律儀共門得證必歷。其不共門自息惡戒。自斷惑法。對治十業伏滅二障。斷二障種除二障習共不共門通行別行合和成立。大事圓滿。問。前所標立南山大師三觀教者其相是何。答。言三觀者。一者性空教。泯入法性見其空理。小乘根鈍不能即空。折破人性對遣法體至我法無。以空爲理。由此觀解伏斷煩惱。證見滅理。獲自乘果。即四阿含等經。僧祇四分等律。俱含成實等論。一切小乘諸教此攝。二者相空教。泯入法相。外道凡夫所執人法。從本已來體相即空。是小菩薩教理行果。諸般若經及彼部論所說相空即空觀解。此等諸典皆此教攝。三者唯識教。

一切諸法外塵本無。實唯識有。性相圓融。是大菩薩甚深妙行。即華嚴楞伽法華涅槃攝大乘等圓極微妙諸大乘經律論皆此教攝。以此三觀攝一代教。皆往判斷。妙無所遺。此性空教即當法相初時多分教。天台藏教。華嚴思法小乘教也。此相空教即當法相第二時空教。天台通教。華嚴始教。大乘空門。兼攝此唯識教即當法相第三時中道應理。天台別圓二教。華嚴終頓圓三教也。

問。三觀教門大小三藏能詮教海以何為體。答。能詮教體義非一準。約就三教明其體性。空教中。有空分宗。有宗毘曇體類四法。語聲名句文身是也。四大相擊所出名聲。聲上作用立為名等。婆沙論中有二師說。一云。十二分教語聲為體。一云。佛所說法名句文體。發智本論有二義意。是故釋家各取為體。然評家義語聲為體。正理顯宗。名句為體。難心俱舍雙舉二義。既無取捨。故是並用。厥假名宗。疊無德部經部成實語聲以為佛教體性。若據兼帶具。名句文業疏一上陳述羯磨教體中云。然此教法正據緣成。緣則通於內外。定體則繁。今但剋相以論。實唯言教。

識為體。攝相歸性。真如為性。四句融合為大乘教。舉一全收。亡相入空。非四為體。問。大乘行人得律藏旨。鈎鎖次第來由云何。答。行人得旨。自通至別。自寬至狹。狹即成寬。要期三學為行由漸。誓三聚戒。括囊萬行。別受律儀盡其門行。共門諸戒各成三聚。三聚廣行包納定慧。智首律師四分律疏一云。菩薩有三聚戒。攝善法戒。攝眾生戒。攝律儀戒。攝律儀戒有三種。一。禪律儀。謂定共戒。二。無漏律儀。謂道共戒。三。別解脫律儀。謂五八十具已上。智首律師依占察經明大乘法。三聚淨戒自誓從他。二受之法。總受三聚。於中依其攝律儀戒成七眾姓。名為比丘比丘尼等。如彼疏第一引彼經所說。即令行者專尋彼經。通別二受行相周備。新譯諸師細開戶牖。舊家諸師亦鈎此幽。智首大師即是南山玄懽所承。師資芳芬。其獲義途。南山大師敬儀所指釋門正行三聚受隨即是通門圓滿行相。三大部等所明行相即是別受止作行門。事義整足無所闕減。

問。何故名為攝律儀等。答。離惡有軌名曰律儀。律儀含多。一名並收稱之為攝。謂靜慮無漏及別解脫也。律儀即戒名。律儀戒持業釋也。順益有軌名為善法。善法眾多。收在此門名之為攝。攝善即戒持業釋也。眾緣所生名為眾生。引令歸善名之為攝。攝生即戒亦持業釋。所以總名三聚戒者。三是數名。蘊積名聚。離過名淨。防非為戒。即帶數釋。從用為名。問。攝律儀戒總指律藏。律藏所說戒法幾名。答。戒律名字隨義多端。總包言之不過三種。一曰毘尼。翻云律。律者法也。從教為名。二曰尸羅。此為戒。戒義訓警。戒通善惡。善戒防非。策三業。故。三曰波羅提木叉。此翻言別解脫。別別防非。隨分解脫。解脫是果。因中說果。問。律儀七眾人法是何。答。比丘比丘尼。式叉摩那。沙彌沙彌尼。優婆塞優婆夷名七眾人。比丘比丘尼受具足戒。式叉六法。沙彌沙彌尼十戒。婆塞婆夷並是五戒。其八齋戒是近住法。若依毘曇在七眾外。七上加此一名八種律儀。若依成實唯清信攝。此等諸戒名七眾法。佛法行人大乘小乘其唯在此七眾而已。今此所明菩薩七眾。此其門戒與聲聞同。其不共攝律戒亦此菩薩七眾所持。攝善攝生即此七眾所持不共孤標行業。一切萬行七眾所行。大乘行人無過此故。問。通別二受菩薩七眾所受持戒以何為體。答。戒體法門是律宗之眼目。戒學之骨髓也。行人所細物以此體學者所持旨在此法。萬行之所流出。眾德之所朝宗。法體行相有四科義。法是佛所制。法體是行者所納。行是行人所攝。相是所修相貌。四科妙戒現在一時。建志成就美德圓滿。此四科中。戒體一門要妙精髓根源基地。此之戒體名作無作。亦名教無教。新名表無表。作戒是生無作之門。由作發生無作法故。無作即作。

①此十(翻)②[法]一(力)③作十(所生)④

之體。恒起常運有勝能故。三聚淨戒有作無作。二戒體狀總冠三聚。攝律儀中。七衆諸戒有作無作。一體狀是別受門。表無表名事義皆同。南山大師事鈔直出成宗戒體業疏具出。有空二宗所說戒體。即隨彼宗所計陳之。後終南師陳自己意名之正義。決斷妙宗建立三宗判教淺深。有宗空宗及圓教宗名之三宗。祖師妙意決判在茲。以深決淺至大乘極。今此所明直舉圓教。圓意包遍義攝一切。三聚大乘總相通法即是圓教窮終妙體。是故律儀別受體相即是極滿頓妙戒體。然終南祖本弘別受四分律宗。故約釋律明圓教體。謂菩薩人起一乘心。依小律藏。白四羯磨受具足戒。所受戒法即成深奧寬廣圓體。白四作法圓教行者本來一乘所用法故。今頓悟者隨本已有行此受法。故納得大乘無礙妙戒。此即約就別受方軌成圓教宗一實戒體故。白四所得熏在藏識羯磨妙緣。成熏藏體。由起大乘圓意故爾。祖師直明唯識圓教律儀戒中別解脫戒作無作體。今亦隨彼本先明別解脫體。後總約三聚具明作無作體。初律儀中別脫體者。受戒之時有身口作。禮拜屈伸低頭合掌是身業作。乞戒陳靜是口業作。以動身思爲身業作。以發語思爲口業作。作戒圓滿三法竟時。其無作者第三法竟。作戒圓滿即生無作。有懸防能此時一念成二種體。謂身口作及無作體。俱有懸防威名爲戒。一念作謝。無作獨轉。此作滿時。善思之上所

熏種子以爲戒體。一期防非任運恒轉。所熏種子所在之處即第八識爲所熏處。賴耶自體任持不失。祖師所立文言所成。正以種子爲其戒體。然種子體必有功能。功能顯現在隨行。不待隨行所熏種上有懸防德。以此懸防應爲戒體。攝末從本故以種子爲戒體狀。本來別明功能爲體。慈恩師等新家所立本末別論功能爲體。問。餘師解中有此例耶。答。香象音師出戒體云。戒於思種而建立。故用思種爲體已上。此是攝末從本言種。全同南山種子爲體。即業疏言於本識藏成善種子。此戒體也。故又勝莊法師云。若無表律儀以勝期願思種爲性。謂依思種假建立故。上來所說依於攝假從實門說已上。此即分明判言從實。此亦全同南山所解。然則賢首勝莊雖思爲體。而其正意功能爲體。南山大師種子爲體。假從實故作此義判。種必有能。防非爲體。舊譯教典談體髮髻。新翻論教陳說委細。唯識論等具顯精美。上就律儀別脫明體。其就三聚明戒體者。種子防發戒體不異。識藏持種相狀是同。通別雖異體用同故。是圓教三聚體性全與律儀戒體一同。三聚體相不可別陳。唯以律儀圓意所受以爲總通三聚體性。況律儀戒三聚圓發義融理通具足滿故。圓教本是三聚教法。律儀圓發由本圓故。是故戒體通別是同。加意表無表而已。上引勝莊即彼陳述三聚戒體其處文也。香象所釋解釋梵網戒。即

是三聚淨戒體性。法銑師云。三依大乘。作戒用三業現行思爲體。身語二業用發動。思爲體性。意業則以審決二思而爲體性故。唯識云。動身思說名身業。發動語思說名語業。審決二思意相應故。作動意故說名意業。其無作戒用三業思種有防非功能以爲體性。由菩薩心引起思願。熏識成種流至後世。及入餘心無心等位。不名失戒已上。此即總通明三聚體。若就三聚別別出體。律儀戒中。共門戒體即前圓教種子爲體。若謹警爾成不共戒。雖是別受具成三業。而此律儀具三聚義。攝善是修衆善之作。禪定智慧三業所修。六度萬行菩提分法。瑜伽所說攝善法中三慧三業正念正知正行等九善。是作持相。禁防不修萬善之罪。善思種子防發功能爲攝善體。攝衆生戒四攝四無量一切度生。所有諸行是其作持。瑜伽論說饒益有情有十一相。唯是四攝。隨應開相。能禁不作利益之罪。此亦善思種子之上防發功能爲攝生體。後二聚體各具三聚。通別二門舉一全收。一一別相各具三聚。問。攝律儀中。四分律藏以何等法爲所詮宗。答。古來諸師立四分宗異解紛紜。略舉十家。一有師止作爲宗。二道暉律師受隨爲宗。三有師止惡爲宗。四法願智首俱以教行爲宗。五有師因果爲宗。六道雲律師不別立宗。七法礪律師止善爲宗。八南山律師淨戒爲宗。四分一律所詮行相。二部